

## Trybquet

(Patent Ochsner)

Die Nacht überchunnt scho wieder roseroti Ränder (uh uh)  
Franset uus & fädlet die nächschi Wuchen y  
Mir hei nid pennet, aber si wäg däm no lang nid wach  
U Zyt geit tic-tac-tic-tac viel z'schnäu verby, we mir zäme si, we mir zäme si

I bi wie nes Trybquet trybe, Hals über Chopf i dr Schtrömig  
Wyt äwäg vom Ufer u vor auem wyt äwäg vo dir  
Ewigi Ebbe u Fluet, im Schturm isch jede Hafe guet  
Aber dyne isch dä, won i scho ha vermisst, woni no nüt vo dir ha gwüsst

***Du chasch cho u du chasch gah, du chasch aues vo mir ha  
Du chasch di uf mi verla, i bi immer für di da – immer  
Du chasch cho u du chasch gah, du chasch aues vo mir ha  
Du chasch di uf mi verla, i bi immer für di da – immer («Stopp»)  
...ei Tag länger aus für immer***

Schryss mi über ds Näscht ab  
Füehr mi hinger ds Liecht, mir isch jedes Mittu rächt  
Mach mi figefertig u sug mi uus  
I leischte dir ke Widerschtand

I la mir aus vo dir la gfaue, schteue nume ei Bedingig im voruus  
La dä Mäntigmorge nid zu üs i ds Huus

***Du chasch cho u du chasch gah, du chasch aues vo mir ha  
Du chasch di uf mi verla, i bi immer für di da – immer  
Du chasch cho u du chasch gah, du chasch aues vo mir ha  
Du chasch di uf mi verla, i bi immer für di da – immer  
...ei Tag länger aus für immer***

***I liebe se meh aus mi, I liebe se meh aus mi  
I liebe se meh aus mi, I liebe se meh aus mi, vieu meh meh meh***

**St. ||: Gm | Bb | Eb | Eb :||**

**Ref. ||: Bb | F | Cm | Eb :||**

**(Capo III)**

**St. ||: Em | G | C | C :||**

**Ref. ||: G | D | Am | C :||**